



SECONDA SESSIONE URDINARIA DI U 2018
2EME SESSION ORDINAIRE DE 2018
RIUNIONE DI I 25 È 26 D'UTTOBRE
REUNION DES 25 ET 26 OCTOBRE

2018/O2/066

Question déposée par Petr'Antone TOMASI
Au nom du groupe CORSICA LIBERA

Ugettu : Pulitica per u sviluppu di a muntagna – strategia d'aiutu finanziariu

O sgiò Presidente,

Dopu à tanti anni d'attesa, d'occasione mancate, di crediti persi, a nostra Assemblea fece rinasce dui anni fà u Cumitatu di a Muntagna Corsa.

L'annu scorsu, funu aduttati in seguita u primu Schema di sviluppu, d'assestu è di prutezzione di a muntagna eppò u so regulamentu di l'aiuti.

Sta dimarchja hà purtatu cun ella un missaggiu puliticu forte, una speranza nova per tutti l'attori di u mondu muntagnolu.

Dipoi tandu, u Cumitatu di a Muntagna hà perseguitu i so travaglii in ogni rughjone di a Corsica è a so Cummissione Permanente hà datu u so accunsente à i primi pruggetti per ch'elli duventinu e prime petre di un pianu di rinascita di a muntagna.

Tutti simu cunvinti di a necessità di mantene u sforzu per a ricunquista di l'internu, è ancu di rinforzà a nostra andatura.

In u quattru di e competenze di a nostra cullettività, ci piaciaria di cunnosce, o sgiò Presidente, u calendariu puliticu di u cunsigliu esecutivu in quantu à a strategia d'aiutu finanziariu à stu sugettu.

Duie quistione ci si parenu di primura.

1/ Si hè parlatu, mentre e discussione di u Cumitatu di a Muntagna, di una revisione di u regulamentu di l'aiuti.

Sta dimarchja ci pare necessaria da integrà di modu chjaru certe intervensione à u regulamentu è dunque securizà i so finanziamenti. Pò esse u casu d'aiuti di funziunamentu per u pasturisimu o a furmazione à i mistieri di a muntagna, azzione dibattute in tempi di redazione di u schema di a muntagna corsa.

Pudete cunfirmacci sè sta revisione hè prugrammata per esse esaminata davanti à l'Assemblea di Corsica ?

2/ A nostra magiurità hà prumossu dipoi a so elezzione l'elaburazione di Piani d'Investimenti Pluriannuale da pudè assucià visione pulitica è mezi finanziarii necessarii.

O sgiò Presidente, chì saria u vostru parè in quantu à un PPI per a muntagna corsa ?

À ringraziavvi per e vostre riposte.